

第六八五册

經濟彙編

食貨典

荒政部

賦役部

(卷)

104—110

111—116

古今圖書集成

中華書局影印

欽定古今圖書集成經濟彙編食貨典

第一百四卷目錄

荒政部藝文十一

小雅鴻鴈三章

關中詩

晚秋喜雨

送任御史江南發糧以賑河北百姓

東平路中遇大水

早災自咎貽七縣宰

賀雨

刈穫行

送孟仲習知濟陰

糴官粟詩

千乘縣獨無旱蝗

遣刑部尚書李質賑饑山東

書魏詩示戶部尚書夏原吉

觀鄭俠流民圖

田父歎

招撫流民辭

洛川憂旱詩

荒政部紀事一

食貨典第一百四卷

荒政部藝文十一

小雅鴻鴈三章

注舊說周室中衰萬民離散而宣王能勞來還定

安集之故流民喜之而作此詩

鴻鴈于飛肅肅其羽之子于征劬勞于野爰及矜人

哀此隸寡

鴻鴈于飛集于中澤之子于垣百堵皆作雖則劬勞

其究安宅

謂我宜矜

關中詩

斯民如何荼毒于秦師旅既加饑饉是因疫癘淫行

荆棘成榛絳陽之粟浮于渭濱

晚秋喜雨

咸亨元年自四月不雨至於九月王畿之內嘉穀

不滋君子小人惶惶如也天子慮深求瘼念在責

躬避殿損膳錄寗弛役性幣之禮偏於神祇鍾庾

之貸周於窮之至誠斯感靈聽有融爰降甘澤大

拯炎亢朝廷公卿相趨動色里閭庇庶謳吟成響

年和俗阜於焉可致撫事形容云能已乃詩曰

積陽踵首夏隆早屆徂秋炎威振皇服歎景暴神州

氣滌朝川明光澄夕照浮草木委林甸禾黍悴原疇

國懼流金昔人深懸憂憂紫宸旋履薄丹辰念推溝

望肅壇場祀寗申囹圄囚御車遷玉殿薦菲撤瓊羞

濟窘邦儲發獨窮井賦優服閑雲曠屏冗術土龍修

磨感通三極天誠貫六幽夏祈良未擬商禱詎為儔

穴蟻顛符應山蛇毒影收騰雲八豎滿霖雨四溟周

聚藹籠仙關連霏繞畫樓早陂仍積水潮沼更通流

晚穗萎還結寒苗瘁復抽九農歡載阜萬寓慶時休

野洽如坻味途喧擊壤幸附東道幸承奉北場筵

送任御史江南發糧以賑河北百姓

河朔人無歲荆南義慶開豐興沈舟役必仗濟州

夜月臨江浦春雲歷楚臺調餽坐相望繡服幾時回

東平路中遇大水

天災自古有昏墊彌今秋霖澤溢川原頃洞涵田疇

指途適汶陽挂席經蘆洲未望齊魯郊白雲何悠悠

傍沿鉅野澤大水縱橫流蟲蛇擁獨樹麋鹿奔行舟

稼穡隨波瀾西成不可求室居相枕藉蛙黾聲啾啾

仍憐穴蟻漂益羨雲禽游農夫無倚著野老生殷憂

聖主當深仁廟堂運良籌倉廩終爾給田租應罷收

我心胡鬱陶征旅亦悲愁縱懷濟時策誰肯論吾謀

早災自咎貽七縣宰

吾聞上帝心降命明且仁臣積苟有罪胡不災我身

胡為早一州禍此千萬人一早猶可忍共旱亦已頻

臘雪不滿地膏雨不降春惻惻詔書下牛減麥與糶

半租豈不薄尚竭力與筋竭力不敢憚慚戴天子恩

纍纍婦拜姑啞翁語孫禾黍日夜長足得盈我困

還填折粟稅酬償貴麥鄰荷無公私貴飲水不為貧

歡言未盈口早氣已再振六月天不雨秋孟亦既旬

區區昧陋積禱祝非不動日馳衰白顏再拜泥甲鱗

歸來重思村願告諸邑君以彼天道遠豈如人事親

團團囹圄中無乃寃不申擾擾食廩內無乃發有困

軋輒輸送車無乃使不倫遙遙負擔卒無乃役不均
今年無大麥計與珠玉濱村荷與里吏無乃求取繁
符下斂錢急值官因酒噴誅求與撻罰無乃不遂巡
生小下里住不倉州縣門詎詞千萬恨無乃不得開
強豪富酒肉窮獨無薪俱由案牘吏無乃移禍屯
官分市井戶迭配水陸珍未蒙所償直無乃不敢言
有一於此事安可尤蒼曼借使漏刑憲得不虞鬼神
自顧頑滯牧坐貽災疹臻上羞朝廷寄下愧閭里民
豈無神明宰為我同苦辛共布慈惠語慰此衢客塵

賀雨

白居易

皇帝嗣寶曆元和三年冬自冬及春暮不雨旱熾熾
上心念下民懼歲成災凶遂下罪己詔殷勤告萬邦
帝曰予一人繼天承祖宗憂勤不遑寧夙夜心忡忡
元年誅劉闢一舉靖巴邛二年戮李錡不戢安江東
顧惟眇眇德運有巍巍功或者天降沴無乃微予躬
上思答天戒下思致時邑莫如率其身慈和與儉恭
乃命罷進獻乃命賑饑窮宥死降五刑責己寬三農
官女出宣徹廐馬減飛龍庶庶無不舉皆出自宸衷
奔騰道路人僂偃田野翁歡呼相告報感泣涕沾
順人人心悅先天天意從詔下纔七日和氣生沖融
凝為油油雲散作習習風晝夜三日雨淒淒復濛濛
萬心春熙熙百穀秋芃芃人變愁為喜歲易儉為豐
乃知王者心憂樂與衆同皇天與后土所感無不通
冠珮何鏘鏘將相及王公蹈舞呼萬歲刻賀明庭中
小臣誠愚陋職忝金鑿宮稽首再三拜一言獻天聰
君以明為聖臣以直為忠敢質有其始亦願有其終

刈穫行

陸龜蒙

自春徂秋天弗雨廉廉早稻纔過歌芒粒稀疏熟更
輕地與禾頭不相柱我來愁築心如堵更聽農夫夜
深語凶年是物即為災百陣野鴉千穴鼠平明抱杖
入田中十穗蕭條九穗空敢言一歲困倉實不了如
今朝暮春天職誰司下民籍苟有區區宜耕本
耕耘意若何蟲豸兼教食人食古者為邦須蓄積魯
饑尚責如齊糴今之為政異當時一任流離恣徵索
平生幸遇華陽客向日餐霞轉肥白欲賣耕牛棄水
田移家且傍三茅宅

送孟仲習知濟陰

宋司馬光

聖主焦勞意誰云百里輕東州比災害劇令選精明
水去良田闊人歸旅穀生閭閻連種觀鷄犬變新聲
盜散疲民活姦窮老吏驚政成知不日雙耳為君傾

糴官粟詩

張耒

持錢糴官粟日夕擁公門官價雖不高官倉常苦貧
兼并閉困廩一粒不肯分何待官粟空騰價邀我民
坐視既不可禁之亦紛紛擾擾田畝中果腹才幾人
我欲究其原宏闊未易陳哀哉天地間生民常苦辛

千乘縣獨無旱蝗

林啓

賑濟饑荒尚未蘇早蝗何幸我疆無悲愁遠宦天應
憫不復鄉村鬧鼓桴

遣刑部尚書李質賑饑山東

明太祖

遣卿持檄按齊東念爾賢勞苦厥功經國老臣勤撫
恤行天使者起疲癯官儲有累宜從賑囊橐無私任
至公七十二城皆歷遍馬跡無處不春風

書魏詩示戶部尚書夏原吉

宣宗

關中歲屢歉民食無所資郡縣既上言能不軫恤之

周禮十二政散貨首所宜給帛遣使者發廩飭有司
臨軒戒將命遣往毋遲遲命下苟或後施濟安所期
吾聞有道世民免寒與饑循己不遑寧因情書媿辭
觀鄭俠流民圖

觀鄭俠流民圖

魯鐸

平生看畫殊草草漫若行雲度飛鳥近來偶得流民
圖實愛矜憐看未了早風吹沙天地昏扶攜塞道離
鄉村身無完衣腹無食疾羸愁苦難具論老人狀何
似頭先於步無生氣手中杖與臂相如同行牛作溝
中乘小兒何忍看肩挑襁負啼聲乾父憐母惜留不
得持標自售雙眉攢試看擔頭何所有麻批麥熟不
盈缶道旁採掇力無任草根木實連塵土於中况復
嬰鎖械負瓦揭木行且賣形容已槁臂負瘡還應未
了徵輸債千愁萬恨具物色不待有言皆暴白熙寧
何緣一至斯主行新法王安石當年此圖誰所為監
門鄭俠心憂時疏奏閣下不肯納馬遞運上銀臺司
疏言大略經聖眼四方此類知何限但除弊政行臣
言十日不雨臣當斬熙寧天子寢不寐罷除新法何
天意誰知護法有善神帝前環泣姦仍遂同時有圖
嘗獻捷屨輸事往隨圖滅此圖世遠跡逾新長使忠
良肝膽熱我因披圖開比量唐宗王會空誇張願將
此圖總無逸重模國本陳吾皇

田父歎

王崇古

驅車歷夏郊秋陽正皜皜遊彼漢唐渠流澤何浩渺
高卑相原隰溝澮五環遠開墾時啓閉泄泄功施巧
河決堤泮傾禁池滋食狡乘春成修防灌漑及秋杪
時和霜落遲九月熟晚稻方析歲事豐悠悠感穹昊
日暮濟河梁夾河泣父老指顧洽河屯一望漲行潦

河西田埂沒苗變水藻河東墾沙田夏旱麥半槁
二麥幸登場秋淫聞傷滂隔隴異豐歉比鄰共憂情
公家急務餉輸積戒不早有子三四人諸孫成少小
長男戍衛門二子守邊堡戎騎時憑陵生死安自保
幼男方長成屯田共兄嫂老夫輓糧車諸婦刈秋草
不願衣食饒惟願免苦拷俗忌多生男男多生煩惱
堂下千里隔民瘼難具道予志在安撫聽之傷懷抱
豐年已百艱凶年轉餓殍撫邊無良策仁民古所寶
草奏乞皇仁寬徭勸郵犒坐令四國相列鎮謝征討
再頌濁河清窮邊歌照碑

招撫流民辭

李廷壽

吾民昔逃今胡不歸食不充腹身無完衣爲人奴使
飲泣食悲吾民昔逃今胡不歸
吾民昔逃今胡不來斷還爾田寬爾差遂爾生養
禁彼科催吾民昔逃今胡不來
吾民昔逃胡不還鄉認爲爾妻餓爾糧給爾雞豚
理爾田桑吾民昔逃胡不還鄉

洛川憂旱詩

趙家相

造化何茫茫天人真懸隔林谷隨所直應感不可測
憶昔甲申歲大侵困白翟四郊無青草溝中多餓瘠
流移猶未復室家尚嗒嗒此時春三月農工正所迫
時雨胡不降太陽日焰赫二麥已就枯嘉禾種未擲
吾爲民父母懷抱徒嗟嗟爲思春不耕衣食無所獲
衣食既不贍民將爲遊魂嗚呼矣惟富人橐囊尚有積
嗟嗟獨窮民流離在咫尺悠悠我之憂坐臥不安席
日夕叩蒼冥渺渺竟無益仰瞻星斗明燥心渾如炙
俯見黃塵起愁腸傷如刺豈是天道遠下情終難白

亦果人事乖天故降茲厄尚願我元穹爲我念蒼赤
勿使往年災再爲悉民禱大降三日霖霧沱滿阡陌
庶見仁愛心免使衆疾頽

荒政部紀事一

國語晉國饑公問於箕鄭曰救饑何以對曰信公曰
安信對曰信於君心信於名信於令信於事公曰然
則若何對曰信於君心則美惡不踰信於名則上下
不干信於令則時無廢功信於事則民從事有業於
是乎民知君心貧而不懼藏出如入何匱之有公使
爲箕及清原之蒐使佐新上軍
左傳哀公元年楚大夫子西曰昔闔廬在國天有菑
穢親巡孤寡而共其乏困

韓非子外儲說秦大饑應侯請曰五苑之草著蔬菜
橡果棗栗足以活民請發之昭襄王曰吾秦法使民
有功而受賞有罪而受誅今發五苑之蔬果者使民
有功與無功俱賞也夫使民有功與無功俱賞者此
亂之道也夫發五苑而亂不如棄棗蔬而治
說苑權謀篇越餓餒四水進諫曰夫饑越之福
也而吳之禍也夫吳國甚富而財有餘其君好名而
不思後患若我卑辭重幣以請糴於吳吳必與我與
我則吳可取也越王從之吳將與之子胥諫曰不可

夫吳越接壤境道易通仇讎敵戰之國也非吳有越
越必有吳矣夫齊晉不能越三江五湖以亡吳越不
如因而攻之是吾先王闔廬之所以霸也且夫饑何
哉亦猶渴也敗伐之事誰國無有君若不攻而輸之
糴則利去而凶至財匱而民怨悔無及也吳王曰吾
聞義兵不服仁人不足以餓饑而攻之雖得十越吾不
爲也遂與糴三年吳亦饑請糴於越越王不與而攻
之遂破吳

臣術篇王制曰假於鬼神時日卜筮以疑於衆者殺
也子路爲請令備水災與民春修溝瀆爲人煩苦故
子人一簞食一壺漿孔子聞之使之子貢復之子路忿
然不悅往見夫子曰由也以暴雨將至恐有水災故
與人修溝瀆以備之而民多匱於食故與人一簞食
一壺漿而夫子使賜止之何也夫子止由之行仁也
夫子以仁教而禁其行仁也由也不受子曰爾以民
爲餓何不告於君發倉廩以給食之而以爾私饋之
是汝不明君之惠見汝之德義也速已則可矣否則
爾之受罪不久矣子路心服而退也

史記汲黯傳黯爲謁者河內失火延燒千餘家上使
黯往視之還報曰家人失火屋比延燒不足憂也臣
過河南河南貧人傷水旱萬餘家或父子相食臣謹
以便宣持節發河南倉粟以振貧民臣請歸節伏矯
制之罪上賢而釋之遷爲滎陽令
漢書嚴助傳助爲中大夫建元三年閩越舉兵圍東
甌東甌告急於漢時武帝遣助發兵誅閩越淮南王
安上書諫曰閩者數年歲比不登民待賣爵鬻子以
接衣食賴陛下德澤振救之得毋轉死溝壑四年不

登五年復蝗民生未復今發兵行數千里死傷必衆矣

杜周傳周子延年封建平侯見國家承武帝奢侈師旅之後數為大將軍光言年歲比不登流民未盡還宜修孝文時政示以儉約寬和順天心說民意年歲宜應光納其言舉賢良議罷酒榷鹽鐵皆自延年發之

蕭望之傳望之為左馮翊西羌反漢遣後將軍征之京兆尹張敞上書言國兵在外軍以夏發隴西以北安定以西吏民竝給轉輸田事頗廢素無餘積雖羌虜以破來春民食必乏窮辟之處買亡所得縣官數度不足以振之願令諸有辜非盜受財殺人及犯法不得赦者皆得以差入穀此八郡贖罪務益致穀以豫備百姓之急事下有司望之與少府李彊議以為開利路傷教化故曰竊憐涼州被寇方秋饑時民尚有饑乏病死於道路况至來春將大困乎不早慮所以振救之策而引常經以難恐後為重責常人可與守經未可與權也

王莽傳天鳳五年正月以大司馬司允費典為荊州牧見問到部方略與對曰荆揚之民率依阻山澤以漁采為業間者國張六筭稅山澤妨奪民之利連年久旱百姓饑窮故為盜賊興到部欲令明曉告盜賊歸田里假貸犁牛種食關其租賦後可以解釋安集莽怒免與官

地皇元年七月大風毀王路堂下書曰惟即位以來陰陽未和風雨不時數遇枯旱蝗螟為災穀稼鮮耗百姓苦饑寇賊充人民正營無所措手足深惟厥

咎在名不正焉其立安為新遷王臨為統義陽王二年秋隕霜殺菽關東大饑民犯鑄錢伍人相坐沒入為官奴婢其男子檻車兒女子步以鐵鎖環當其頸傳詣鍾官以十萬數到者易其夫婦愁苦死者什六七

三年二月赤眉殺太師轍仲景尚關東人相食四月遣太師王匡更始將軍廉丹東都門外天大雨霑衣止長老歎曰是為泣軍莽曰惟陽九之厄與害氣會究於去年枯旱霜蝗饑饉薦臻百姓困乏流離道路於春尤甚予甚悼之今使東岳太師特進東新侯開東方諸會賑貸窮乏太師公所不過道分遣大夫謁者並開諸倉以全元元太師公因與廉丹太使五威司命位右大司馬更始將軍平均侯之兗州填撫所掌及青徐故不軌盜賊未盡解散後復屯聚者皆清潔之期於安兆黎矣太師更始合將銳士十餘萬人所過放縱東方為之語曰寧逢赤眉不逢太師太師尚可更始殺我卒如田况之言莽又多遣大夫謁者分教民煮草木為酪酪不可食重為煩費莽下書曰惟民困乏雖溥開諸倉以賑贖之猶恐未足其且開天下山澤之防諸能采取山澤之物而順月令者其志聽之勿令出稅至地皇三十年如故是王光上戊之六年也如今豪更猾民宰而權之小民弗蒙非予意也易不云乎損上益下民說無疆書云言之不從是謂不艾咨虐辜公可不覺哉是夏蝗從東方來黃蔽天至長安入未央宮綠殿閉莽發吏民設購賞捕擊莽以天下穀貴欲厭之為大倉置衛交戟名曰政始掖門流民入關者數十萬人迺置養贖官粟食

之使者監領與小吏共盜其粟饑死者十七八先是莽使中黃門王業領長安市買賤取於民甚患之業以省費為功賜爵附城莽聞城中饑饉以問業業曰皆流民也乃市所賣梁飯肉羹持入視莽曰居民食咸如此莽信之後漢書伏湛傳湛王莽時為繡衣執法更始立以為平原太守時謂妻子曰夫一穀不登國君徹膳今民皆饑奈何獨飽乃共食蠶糲寶融傳融行河西五郡大將軍軍事安定北地上郡流人避凶饑者歸之不絕汝南先賢傳袁安為陰平長時年饑荒民皆菜食租人不畢使民輸芋劉平傳王望字慈卿客授會稽自讓郎遷青州刺史甚有威名是時州郡災旱百姓窮荒望行部道見饑者裸行草食五百餘人愍然哀之因以便宜出所在布粟給其糜糲為作褐衣事畢上言帝以望不先表請章示百官詳議其罪時公卿皆以為望之專命法有常條鍾離意獨曰昔華元子反楚宋之良臣不稟君命擅平二國春秋之義以為美談今望懷義忘罪當仁不讓若繩之以法忽其本情將乖聖朝愛育之旨帝嘉意議赦而不罪鄭弘傳弘建初八年代鄭眾為大司農在職二年所息省三億萬計時歲天下遭旱邊方有警人食不足而幣藏殿積弘奏宜省貢獻減徭費以利饑人帝順其議馬援傳援族孫棻拜謁者章和元年遷廣陵太守時殺貴民饑奏罷鹽官以利百姓賑貧羸薄賦興復

陂湖溉田二萬餘頃吏民刻石頌之

張純傳純子耆末元六年代劉方為司空時歲災旱

祈雨不應乃上表曰比年不登人用饑匱今復久旱

秋稼未立陽氣垂盡歲月迫促夫國以民為本民以

穀為命政之急務憂之重者也臣蒙恩尤深受職過

任夙夜憂懼章奏不能叙心願對中常侍疏奏即時

引見復口陳時政之宜明日和帝召太尉司徒幸洛

陽錄囚徒收洛陽令陳歆即大雨三日

鄒皇后紀后為皇太后臨朝水旱十載每聞人饑或

達旦不寐而躬自減徹以救災厄故天下復平歲還

豐穰劉毅以太后多德政上書曰元興延平之際遭

水潦東州饑荒垂恩元元冠蓋交路非薄衣食躬率

羣下損膳解驂以贍黎苗惻隱之恩猶視赤子

鄧禹傳禹孫鸞為大將軍時遭元二之災人士荒饑

死者相望盜賊羣起鸞崇節儉罷力役推進天下賢

士

蘇章傳章為武原令歲饑輒開倉廩活三千餘戶

虞詡傳詡為武都太守始到郡戶裁盈萬及糶粟荒

餘招還流散二三年間遂增至四萬餘戶鹽米豐賤

十倍於前

張禹傳禹末初元年拜太尉後連歲災荒府藏虛空

禹上疏求入三歲租稅以助郡國稟假詔許之

文苑傳黃香為魏郡太守舊有內外園田常與人

分種收穀歲數千斛香曰田令商者不農王制仕者

不耕伐冰食祿之人不與百姓爭利乃悉以賦人課

循吏傳鐘顯安帝時為豫州刺史時天下饑荒競為盜賊州界收捕且萬餘人顯怒其困窮自陷刑辟輒擅赦之因自劾奏有詔勿理

梁統傳統會孫商以戚屬居大位每有饑饉輒載租穀於城門賑與貧賤不宜己惠

浙江通志馬臻永和中為會稽守創立鏡湖在會稽山陰縣兩界築塘蓄水水高丈餘田又高海丈餘若水少則洩湖灌田水多則閉湖洩田中水入海塘成郡無凶年

後漢書循吏傳第五訪字仲謀京兆長陵人仕郡為功曹察孝廉補新都令政平化行三年之間鄰縣歸之戶口十倍還張掖太守歲饑粟石數千訪乃開倉賑給以救其敝吏懼譴爭欲上言訪曰若上須報是棄民也太守樂以一身救百姓遂出穀賦人順帝置書嘉之由是一郡得全歲餘官民並豐界無姦盜遷南陽太守

度尚傳尚為文安令遇時疾疫救貴人饑尚開倉廩給營救疾者百姓蒙其濟

蓋勳傳勳領漢陽太守時人饑相漁食勳調穀廩之先出家糧以率眾存活者千餘人

韓韶傳韶為羸長餘縣多被寇盜廢耕桑其流入縣界求索衣糧者甚眾韶愍其饑困乃開倉賑之所廩贈萬餘戶主者爭謂不可韶曰長活溝壑之人而以此伏罪含笑入地矣太守素知韶名德竟無所坐

竇武傳武長女桓帝立為皇后武拜城門校尉時歲儉民饑武得兩宮賞賜悉散與太學諸生及載肴糧於路均施貧民

皇甫嵩傳嵩為左車騎將軍領冀州牧嵩奏請冀州一年田租以贍饑民帝從之百姓歌曰天下大亂今市為墟母不保子兮妻失夫賴得皇甫兮復安居

袁術傳術僭號自稱仲家曹操征之術兵弱大將死眾情離叛加天旱歲荒士民凍餒江淮間相食殆盡時舒仲應為術沛相術以米十萬斛與為軍糧仲應悉散以給饑民術聞怒陳兵將斬之仲應曰知當必死故為之耳寧可以一人之命救百姓於塗炭術下馬牽之曰仲應足下獨欲享天下重名不與吾共之邪

陳敬王羨傳羨會孫龍獻帝初義兵起龍自稱輔漢大將軍國相會稽略俊素有感恩時天下饑荒鄰郡人多歸就之俊傾資賑贖立得全活

黨錮傳張儉拜少府不就獻帝初百姓饑荒而儉資計差溫乃傾竭財產與邑里共之賴其存者以百數建安初徵為衛尉

江南通志何敞錢塘人漢末隱居五湖時大蝗旱太守請為無錫令敞慨然歎曰民苦旱災如此安得不救之往修六事行彈災之術未幾兩蝗盡死敞乃遁去

三國魏志太祖紀注魏書曰袁紹之在河北軍人仰給桑椹袁術在江淮取給蒲羸民人相食州里蕭條公曰夫定國之術在於彊兵足食秦人以急農兼天下孝武以屯田定西域此先代之良式也是歲乃募民屯田許下得穀百萬斛於是州郡倒置田官所在積穀

傅子曰魏太祖以天下凶荒資財乏匱擬古皮弁裁

縑帛以為恰合於簡易隨時之義以色別其貴賤魏略列傳楊沛字孔渠馮翊萬年人也初平中為公府令史以牒除為新鄭長與平末人多饑窮沛課民益畜乾樞收登豆閭其有餘以補不足如此積得千餘斛藏在小倉倉太祖為兗州刺史西迎天子所將千餘人皆無糧過新鄭沛謁見乃皆進乾樞太祖甚喜及太祖輔政遷沛為長社令

三國魏志夏侯惇傳惇為濟陰太守時大旱蝗蟲起惇乃斷大壽水作陂身自負土率將士勸種稻民賴其利
吳志朱恆傳孫權為將軍恆給事幕府除餘姚長往遇疫癘穀食荒貴恆分部良吏隱親醫藥殮粥相繼士民感戴之
陸遜傳遜年二十一始任幕府歷東西曹令史出為海昌屯田都尉并領縣事縣連年亢旱遜開倉穀以賑貧民勸督農桑百姓蒙賴

魏志何夔傳夔為長廣太守時太祖始制新科下州郡又收租稅縣緝獲上言曰自喪亂已來民人失所今雖小安然服教日淺所下新科皆以明罰勅法齊一大化也所領六縣疆域初定加以饑饉若一切齊以科禁恐或有不從教者有不從教者不得不誅則非觀民設教隨時之意也
鍾繇傳繇子毓為黃門侍郎時大典洛陽宮室車駕便幸許昌許昌偏狹於城南以鹿為殿備設魚龍曼延民罷勞役毓諫以為水旱不時帑藏空虛凡此之類可須豐年又上宜復關內開荒地使民肆力於農事遂施行

蘇則傳則為金城太守是時喪亂之後吏民流散饑窮戶口損耗則撫循之甚謹外招懷羌胡得其牛羊以養貧老與民分糧而食旬月之間流民皆歸得數千家乃明為禁令有干犯者輒戮其從教者必賞親自教民耕種其歲大豐收由是歸附者日多
開府元龜魏文帝初嗣位以漢延康元年二月下令曰池苑所以禦災荒也設禁非所以便民除其池苑之禁
晉書食貨志鄭渾為沛郡太守郡居下濕水湧為患百姓饑乏渾於蕭相二縣與陂開稻田郡人皆不以為便渾以為終有經久之利遂躬帥百姓與功一冬皆成比年大收項畝歲增租入倍常郡中賴其利刻石頌之號曰鄭陂

劉頌傳頌文帝辟為相府掾奉使於蜀時蜀新平人饑士荒頌表求振貸不待報而行由是除名
三國魏志衛凱傳凱為尚書封陽吉亭侯明帝即位進封閭鄉侯上疏曰當今千里無煙遺民困苦陛下不善留意將遂彫弊難可復振禮天子之器必有金玉之飾飲食之肴必有八珍之味至於凶荒則徹膳降服然則奢儉之節必視世之豐約也
晉書食貨志建安初關中百姓流入荊州者十餘萬家及關本土安寧皆企望思歸而無以自業於是衛凱議為鹽者國之大寶自喪亂以來放散今宜如舊置使者監賣以其直益市犂牛百姓歸者以供給之勤耕積粟以豐殖關中遠者聞之必多競還於是魏武遣謁者僕射監鹽官移司隸校尉居弘農流入果還關中豐實

魏明帝世徐邈為涼州土地少雨常苦之數選上修武威酒泉鹽池以收虜穀又廣開水田募貧民佃之家家豐足倉庫盈溢
浙江通志車凌元末為會稽太守值歲荒旱民無資糧表求賑貸孫皓謂凌欲樹私恩遣使梟首晉書王渾傳渾為徐州刺史時年荒歲饑渾開倉賑贍百姓賴之
鄭表傳表子默為東郡太守值歲荒人饑默輒開倉賑給乃舍都亭自表待罪朝廷嘉默愛國詔書褒數比之汲黯班告天下若郡縣有此比者皆聽出給
惠帝紀天下荒亂百姓餓死帝曰何不食肉糜
良吏傳范晔為涼州刺史轉雍州於時西土荒毀民羌蹈藉田桑失收百姓困弊晔傾心化導勸以農桑所部甚賴之元康中加左將軍卒於官子廣為堂邑令大旱米貴廣散私穀振饑人至數千斛遠近流寓歸投之戶口十倍

李特載記元康中氏齊萬年反關西擾亂頻歲大饑百姓乃流移就穀相與入漢川者數萬家初流人既至漢中上書求寄食巴蜀朝議不許遣侍御史李苾持節慰勞且監察之不令人劍閣甚至漢中受流人貨賂反為表曰流人十萬餘口非漢中一郡所能振贍東下荆州水湍迅險又無舟船蜀有倉儲人復豐稔宜令就食朝廷從之由是散在益梁不可禁止末康元年詔徵益州刺史趙廣為大長秋以成都內史耿滕代廣廣遂謀叛潛有劉氏割據之志乃傾倉廩振施流人以收衆心
華譚傳譚為尚書郎末寧初出為郟令於時兵亂之

後境內饑饉譚傾心撫卹司徒王戎聞而善之出穀三百斛以助之

慕容廆載記廆遣使來降拜為鮮卑都督末寧中燕垂大水廆開倉振給幽方獲濟

食貨志惠帝之後政教陵夷至於末嘉喪亂彌甚雍州以東人多饑乏更相鬻賣奔逃流移不可勝數幽并司冀秦雍六州大蝗草木及牛馬毛皆盡又大疾疫兼以饑饉百姓又為寇賊所殺流尸滿河白骨蔽野劉曜之逼朝廷議欲遷都倉垣人多相食饑疫總至百官流亡者十八九元帝為晉王課督農功詔二千石長吏以入穀多少為殿最其非宿衛要任皆宜赴農使軍各自佃作即以爲廩

宗室傳南陽王模末嘉初代河間王鎮關中時饑荒百姓相噉加以疾厲盜賊公行模力不能制乃鑄銅人鐘鼎為釜器以易穀議者非之

劉琨傳琨末嘉元年為并州刺史加振威將軍領匈奴中郎將現在路上表曰臣以頑蔽志望有限因緣際會遂委過任九月末得發道險山峻胡寇塞路輒以少擊衆冒險而進頓伏艱危辛苦備嘗即日達壺口關臣自涉州疆目觀困乏流移四散十不存二攜老扶弱不絕於路及其在者鬻賣妻子生相捐棄死亡委厄白骨橫野哀呼之聲感傷和氣羣胡數萬周匝四山動足遇掠開目觀寇惟有壺關可得告糴而此二道九州之險數人當路則百夫不敢進公私往反沒喪者多要守窮城不得新米耕牛既盡又乏田畧以臣愚短當此至難憂如循環不遑寢食臣伏思此州雖云邊朔實通皇畿南通河內東連司冀北捍

殊俗西禦疆虜是勁弓良馬勇士精騎之所出也當須委輸乃全其命今尚書請此州穀五百萬斛絹五百萬匹綿五百萬斤願陛下時出臣表速見聽處朝廷許之時東風公騰自晉陽鎮鄴并土饑荒百姓隨騰南下餘戶不滿二萬寇賊縱橫道路斷塞現募得千餘人轉關至晉陽府寺焚毀僵尸蔽地其有存者饑羸無復人色荆棘成林豺狼滿道現期除荆棘收葬枯骸造府朝建市獄寇盜互來掩襲恆以城門為戰場百姓負楯以耕屬鞭而捫現撫循勞來甚得物情

李矩傳矩為汝陰太守末嘉初使矩與汝南太守袁孚率衆修洛陽千金塢以利漕漕及洛陽不守太尉荀藩奔陽城衛將軍華蒼奔成臯時大饑賊帥侯都等每略人而食之藩蒼部曲多為所啖矩討都等滅之乃營護藩蒼各為立屋宇輸穀以給之及藩承制建行臺假矩榮陽太守矩招懷離散遠近多附之藩表元帝加矩冠軍將軍領河東平陽太守時饑僅相仍又多疫羸矩垂心撫恤百姓賴焉

鄒暨傳暨高平金鄉人少孤貧以儒雅著名於時所在饑荒州中之士素有感其恩義者相與資贖暨復分所得以贖宗族及鄉曲孤老賴而全濟者甚多元帝初鎮江左承制假暨龍驤將軍兗州刺史鎮鄒山時徐龜石勒左右交侵日尋干戈外無救援百姓饑饉或掘野鼠蟄鷺而食之終無叛者

賈吏傳邵攸為石勒參軍後至江東元帝以攸為太子中庶子時吳郡關守帝以授攸郡中大饑攸表振貸未報乃輒開倉救之臺遣散騎常侍韓處襲慰

勞饑人觀聽善不乃劾攸以擅出穀俄而有詔原之攸在郡刑政清明百姓歡悅

外戚傳王蘊補吳興太守甚有德政屬郡荒人饑輒開倉贍卹主簿執諫請先列表上待報蘊曰今百姓嗷然路有饑饉若表上須報何以救將死之命乎專輒之愆罪在太守且行仁義而敗無所恨也於是大振貸之賴蘊全者十七八焉朝廷以違科免蘊官士庶詣闕訟之

王導傳導子蒼少歷清官除吏部郎侍中建威將軍吳國內史時年饑粟貴人多餓死蒼以私米作餼粥以飭餓者所濟活甚衆

虞潭傳潭為鎮軍將軍吳國內史時軍荒之後百姓饑饉死亡塗地潭乃表出倉米振救之又修浚瀆壘以防海沙百姓賴之

孔愉傳愉從子坦為吳興內史以歲饑運家米以賑窮乏百姓賴之

桓宣傳宣族子伊都督江州荊州十郡豫州四郡軍事江州刺史將軍如故上疏以江州虛耗加連歲不登今餘戶有五萬六千宜并合小縣除諸郡通米移州還鎮豫章詔令移州尋陽其餘皆聽之伊隨宜極撫百姓賴焉

張軌傳軌子實實于駿拜涼州牧境內嘗大饑穀價踊貴市長譚詳請出倉穀與百姓秋收三倍徵之從事陰據諫曰昔西門豹宰鄴積之於人解扁菴東封之邑計入三倍文侯以豹有罪而可賞扁菴有功而可罰今詳欲因人之饑以要三倍反裘傷皮未足喻之駿納之

經濟彙編食貨典第一百四卷荒政部

第六八五冊 之〇四葉

會稽典錄夏香字曼卿永興人也年十五縣長葛君出臨虛星會客飲宴時郡遭大旱香進諫曰昔殷湯遭旱以六事自責而雨澤應謝成王悔過偃禾復起自古先聖畏懼天異必思變復以濟民命今始罹天災縣界獨甚未聞明達崇殷周之德臨祭獨歡百姓枯瘁神祇有靈必不享也百姓不足君孰與足宜當還寺長即罷會身捐俸祿以贖饑民

晉書石季龍載記季龍稱居攝趙天王率衆南寇以租入股廣轉輸勞煩令中倉歲入百萬斛餘皆儲之水次季龍下書令刑贖之家得以錢代財帛無錢聽以穀麥皆隨時價輸水次倉冀州八郡雨雹大傷秋稼下書深自咎責遣御史所在發水次倉麥以給秋種尤甚之處差復一年及入鄴衆役煩與軍旅不息加之久旱穀貴金一斤直米二千百姓嗷然無生賴矣又納解飛之說於鄴正南投石於河以起飛橋功費數千億萬橋竟不成役夫饑甚乃止使令長率丁壯隨山澤采橡捕魚以濟老弱而復爲糧藁所奪人無所得焉又料殷富之家配饑人以食之公卿以下出穀以助振給姦吏因之侵割無已雖有貸贍之名而無其實

倉賑貸然朝廷賦役繁重吳會尤甚義之每上疏爭之事多見從
宋書顧琛傳琛母孔氏晉安帝隆安初郡王廢於吳中爲亂以女爲貞烈將軍悉以女人爲官屬以孔氏爲司馬及孫恩亂後東土饑荒人相食孔氏散家糧以賑邑里得活者甚衆

晉書桓元傳元自署太尉領平西將軍豫州刺史時會稽饑荒元令賑貸之百姓散在江湖採柁內史王愉悉召之還請米米既不多吏不時給頓仆道路死者十八九焉
冊府元龜孔沮爲吳興內史以歲饑運家米以賑窮乏百姓賴之
宋書良吏傳王鎮之字伯重桓元輔晉以爲大將軍錄事參軍時三吳饑荒遺蠶之銜命賑卹杜慧度爲交州刺史歲荒民饑則以私祿賑給自序沈亮爲西曹主簿時三吳水滄穀貴民饑刺史彭城王義康使立議以救民亮議以東土災荒民病穀踊富民蓄米日成其價宜班下所在隱其虛實今積蓄之家聽雷一年儲餘皆勸使糶貨爲制平價此所謂常道行於百世權宜用於一時也又緣淮歲豐邑富地穰麥既已登黍粟行就可析其估賦仍就交市三吳饑民即以貸給使強壯轉運以贖老弱且酒有喉唇之利而非貪餌所資尤宜禁斷以息遊費卽立施行
隱逸傳劉凝之元嘉初徵爲祕書郎不就衡陽王義季鎮江陵遣使存問荆州年饑義季慮凝之餒斃餉錢十萬凝之大喜將錢至市門觀有饑色者悉分與

之俄頃立盡
良吏傳徐裕元嘉初爲始興太守在郡著績太祖嘉之下詔曰始興太守豁潔已退食恪居在官政事修理惠澤沾被近嶺南荒弊郡境尤甚拯卹有方濟厥饑饉雖古之良守莫以尚焉宜褒賞以旌清績可賜絹二百匹穀千斛

宗室傳長沙景王道憐于義欣爲豫州刺史鎮壽陽於時土境荒毀人民彫散城郭頽敗盜賊公行義欣綱維補緝隨宜經理劫盜所經立討誅之制境內畏服道不拾遺城府庫藏並皆完實遂爲盛藩疆鎮時淮西北長吏悉叙勞人武夫多無政術義欣陳之曰江淮左右土墉民疎頃年以來薦饑相襲百城彫弊於今爲甚緩救之宜必俟良吏勞人武夫不經政術統內官長多非才授東南殷實猶或簡能充實接荒垂而可輯黎頓顧願救選部必使任得其人庶得不勞而治
沈曇慶傳曇慶爲餘杭令遷司徒主簿江夏王義恭太尉錄事參軍尚書右丞時歲有水旱曇慶議立常平倉以救民急太祖納其言而事不行
沈演之傳演之除司徒左司掾州治中從事史元嘉十二年東諸郡大水民人饑饉以演之巡行拯恤許以便宜從事演之乃開倉廩以賑饑民民有生子者口賜米一斗刑獄有疑枉悉制遣之百姓蒙賴
宗室傳遵考高祖族弟也領南梁郡太守坐統內旱百姓饑詔加賑給而遵考不奉符旨免官
浙江通志劉損爲吳郡太守元嘉中東土殘饑太祖遣揚州治中沈演之東行賑恤以損緩撫有方稱爲

良守

南齊書劉善明傳善明父懷民宋世為齊北海二郡太守元嘉末青州饑荒人相食善明家有積粟躬食儲粥開倉以救鄉里多獲全濟百姓呼其家田為續命田

宋書顏竣傳竣自散騎常侍丹陽尹加中書令丹陽尹如故表讓中書令見許時歲旱民饑竣上言禁傷一月息米近萬斛

王元謨傳元謨遷平北將軍徐州刺史加都督時北土饑饉乃散私穀十萬斛牛千頭以振之

南齊書張敬兒傳敬兒隸太祖封襄陽縣侯元徽末襄陽大水平地數丈百姓資財皆漂沒襄陽虛耗太祖與仗之書令振貸之仗之竟不歷意

豫章文獻王嶷傳嶷建元元年封豫章郡王邑三千戶僕射王儉賤日舊楚蕭條仍歲多故荒民散亡實須緝理公臨蒞甫爾英風惟穆江漢來蘇八州慕義自庚亮以來荆楚無復如此美政古人朞月有成而公旬日致治豈不休哉

陸慧曉傳慧曉同郡顧憲之末明六年為隨王東中郎長史行會稽郡事時西陵戍主杜元懿啓吳興無秋會稽豐登商旅往來倍多常歲西陵牛棟稅官格日三千五百元懿如即所見日可一倍盈縮相兼略計年長百萬浦陽南北津及柳浦四垓乞為官領攝

一年格外長四百許萬西陵戍前檢稅無妨成事餘三垓自舉腹心世祖敕示會稽郡此証是事宜可訪察即啓憲之議日尋始立牛垓之意非苟逼飢以納稅也當以風濤迅險人力不捷屢致膠溺濟急利物

耳既公私是樂所以輸直無怨京師航渡即其例也而後之監領者不達其本各務己功互生理外或禁過別道或空稅江行或棧船倍價或力周而猶責凡如此類不經垓煩牛者上詳被報格外十條並蒙停寢從來諠訴始得暫弭案吳興類歲失稔今茲尤饑去之從豐良由饑棘或徵貨買粒還拯親累或提攜老弱陳力餬口埭司責稅依格弗降舊格新減尚未議登格外加倍將以何術皇慈恤隱振廉調而元懿幸災權利重增困瘼人而不仁古今共疾且比見加格置市者前後相屬非惟新加無贏並皆舊格猶關愚恐元懿今啓亦不當不殊若事不副言懼貽譴詰便百方侵苦為公買怨書云與其有聚斂之臣寧有盜臣此言益公為損蓋微斂民所害乃大也今雍熙在運草木含澤其非事宜仰如聖旨然掌斯任者應簡廉平廉則不竊於公平則無害於民矣愚又以便宜者蓋謂便於公宜於民也竊見頃之言便宜者非能於民力之外用天分地也率皆即日不宜於民方來不便於公名與實反有乖政體凡如此等誠宜深

祭
梁書王珍國傳珍國累遷南譙太守治有能名時郡境苦饑乃發米散財以拯窮乏齊高帝手勅云卿愛人治國甚副吾意也
開府元龜崔元祖為東海太守時青州刺史張冲啓淮北頻歲不熟今秋始稔北境鄰接戎寇彌須沃實乞權斷穀過淮南而徐兗豫司諸州又各私斷穀米不聽出境自是江北荒儉有流亡之弊元祖乃上書謂宜豐儉均之書奏見從

浙江通志蕭子良為會稽太守建元二年去官永明九年都下大水吳興偏劇于良開倉振救貧病不能立者收養給衣及藥
梁書良吏傳庚華為輔國長史會稽郡丞行郡府事時承凋弊之後百姓凶荒所在穀貴米至數千民多流散華撫循甚有治理
蕭景傳景為南兖州刺史年荒計口賑卹為饑溺於路以賦之死者給棺具人甚賴焉
王志傳志為丹陽尹時年饑每日為粥於郡門以賦百姓民稱之不容口
任中丞集本傳武帝踐祚助出為義興太守歲荒民散以私奉米豆為粥活三千餘人
梁書安成康王秀傳高祖以秀為冠軍長史南海太守鎮京口京口自崔慧景作亂累被兵革民戶流散秀招懷撫納惠愛大行仍值年饑以私財贍百姓所濟活甚多尋遷都督荆湘雍益寧南北梁秦州九州諸軍事平西將軍荊州刺史沮水暴長頗敗民田秀以穀二萬斛贍之百姓甚悅

夏侯寬傳寬為豫南豫二州刺史壽春久離兵荒百姓多流散寬輕刑薄賦務農省役項之民戶充復
昭明太子統傳普通中大軍北討京師數貴太子因命菲衣減膳改常饌為小食每霖雨積雪遣腹心左右周行閭巷視貧困家有流離道路密加振賜又出主衣綈帛多作襦袴冬月以施貧凍若死亡無可以斂者為備棺槨每聞遠近百姓賦役勤苦輒斂容色嘗以戶口未實重於勞擾吳興郡屢以水災失收有上言當漕大瀆以瀉浙江中大通二年春詔遣前交

經濟彙編食貨第一一百四卷荒政部

州刺史王弁假節發吳郡吳興義興三郡民丁就役
太子疏曰伏聞當發王弁等上東三郡民丁開漕
溝渠導泄震澤使吳興一境無復水災誠矜恤之至
仁經略之遠旨暫勞永逸必獲後利未萌難親竊有
愚懷所聞吳興累年失收民頗流移吳郡十城亦不
全熟唯義興去秋有稔復非常役之民即日東境穀
價猶貴劫盜屢起在所有司不皆聞奏今征戍未歸
疆丁疎少此雖小舉竊恐難合吏一呼門動為民蠹
又出丁之處遠近不一比得齊集已妨蠶農去年稱
為豐歲公私未能足食如復今茲失業慮恐為弊更
深具草竊多伺候民間虛實若善人從役則抄盜彌
增吳興未受其益內地已罹其弊不審可得權停此
功待優實以行不聖心垂矜黎庶神量久已有在臣
意見庸淺不識事宜苟有愚心願得上啓高祖優詔
喻焉

陳慶之傳慶之除都督南北司西豫豫四州諸軍事
大同二年豫州饑慶之開倉賑給多所全濟州民李
昇等八百人表請樹碑頌德詔許焉

陳書荀朗傳侯景之亂簡文帝詔授朗雲麾將軍豫
州刺史令與外藩討景朗據山立砦自守時京師大
饑百姓皆於江外就食朗更招致部曲解衣推食以
相賑贖

殷不害傳不害弟不佞為武陵王諮議參軍承聖初
遷武康令時兵荒饑饉百姓流移不佞巡撫招集糴
負而至者以千數

魯悉達傳悉達為梁南平嗣王中兵參軍侯景之亂
悉達糾合鄉人保新蔡力田蓄穀時兵荒饑饉京師

及上川餓死者十八九有得存者皆攜老幼以歸焉
悉達分給糧廩其所濟活者甚衆仍於新蔡置頓以
居之
魏書張蒲傳蒲子貽為幽州刺史時幽州年穀不登
州廩虛罄民多菜色詔謂民吏曰何我之不德而遇
其時乎乃使富人通濟貧乏車馬之家糴運外境貧
弱者勸以農桑歲乃大熟士女稱頌之
南安王楨傳楨為長安鎮都大將雍州刺史徵赴講
武高祖引見於皇信堂戒之曰長安鎮年饑民檢理
須綏撫不容久留翁今還州其勤隱恤無令境內有
饑餓之民
高祐傳祐拜祕書令高祖從容問祐曰比水旱不調
五穀不熟何以止災而致豐稔祐對曰昔堯湯之運
不能去陽九之會陛下道同前聖其如小旱何但當
旌賢佐政敬授民時則災消獲至矣
薛野賭傳野賭子虎子為徐州刺史州內遭水二麥
不收上表請貸民粟民有車牛者求詣東兌給之竝
如所奏民得安堵

李元護傳元護為齊州刺史值州內饑儉民人困敝
志存隱恤表請賑貸錫其賦役

山西通志李安世仕孝文帝為給事中上言歲饑民
流田業多為豪右所占奪雖桑井難復宜更均量使
力業相稱又所爭之田宜限年斷事久難明悉歸今
主以絕詐妄帝善之

魏書河南王暉傳暉子提提子平原拜齊州刺史善
於懷撫時歲穀不登齊民饑饉平原以私米三千餘
斛為粥以全民命百姓咸稱詠之

平原弟鑿襲爵拜冠軍將軍世宗初轉徐州刺史屬
徐兗大木民多饑饉鑿表加賑恤民賴以濟
薛安都傳安都從祖弟真度為豫州刺史景明初豫
州大饑真度表曰去歲不收饑饉十五今又災雪三
尺民人萎餒無以濟之臣輒日別出州倉米五十斛
為粥救其甚者詔曰真度所表甚有憂濟百姓之意
宜在拯卹陳郡儲粟雖復不多亦可分贍尚書量賑
以聞

郭祚傳祚為青州刺史值歲不稔闔境饑敝矜傷愛
下多所賑恤

此為試讀，需要完整PDF請訪問：www.ertongbook.com

欽定古今圖書集成經濟彙編食貨典

第一百五卷目錄

荒政部紀事二

食貨典第一百五卷

荒政部紀事二

魏書源賀傳賀子懷為使持節加侍中行臺巡行此邊自京師遷洛邊朔遙遠加連年早儉百姓困敝懷衛命巡撫存恤有方便宜運轉有無通濟又表曰景明以來北蕃連年災旱高原陸野不任營殖唯有水田少可蓄畝然主將參僚專擅腴美瘠土荒曠給百姓因此困敝日月滋甚諸鎮水田請依地令分給細民先貧後富

長史傅路邑陽平清瀾人世宗時積功勞除齊州東魏郡太守有惠政臺太后詔曰邑蒞政清勤善綏民俗比經年儉郡內饑僅羣庶嗷嗷將就溝壑而邑自出家粟賑賜貧窘民以獲濟雖古之良守何以尚茲宜見需錫以垂獎勵可賜龍馭馬一匹衣一襲被褥一具班宣州鎮使聞知邑以善治民稍遷至南青州刺史而卒

閩慶引為東秦州敷城太守在政五年清勤厲俗頻年饑饉慶引歲常以家粟千石賑恤貧窮民賴以濟

其部民楊寶龍等一千餘人申訟美政有司奏曰案慶引自蒞此郡惠政有聞又能自以己粟贖恤饑饉乃有子愛百姓之義如不少加優賚無以厲彼貪殘又案齊州東魏郡太守路邑在郡治能與之相持語其分贍又亦不殊而聖旨優隆賜以衣馬求情即理謂合同賞盡太后卒無覈實焉

李平傳平拜尚書加散騎常侍武川鎮民饑鎮將任款請貸未許擅開倉賑恤有司繩以費散之條免其官爵平奏款意在濟人心無不善世宗原之

臨淮王諱傳諱子提提子昌昌弟孚累遷兼尚書右丞遷左丞蠕蠕王阿那瓌既得返國其人大饑相率入塞阿那瓌上表請臺賑給詔孚為北道行臺詣彼賑恤孚陳便宜表曰皮服之人未嘗粒食宜從俗因利拯其所無昔漢建武中單于款塞時轉河東米糶二萬五千斛牛羊三萬六千頭以給之斯即前代和戎撫新柔遠之長策也乞以牂牛產羊餽其口命且畜牧繁息是其所便毛血之利惠兼衣食

裴延偶傳延偶肅宗初除廷尉卿轉平北將軍幽州刺史范陽郡有舊督元渠徑五十里瀕陽燕郡有故戾陵諸堰廣袤三十里皆廢毀多時莫能修復時水旱不調民多饑餓延偶謂疏通舊跡勢必可成乃表求營造遂躬自履行相度水形隨力分督未幾而就溉田百萬餘畝為利十倍百姓至今賴之

封懿傳懿子元之元之弟子磨奴磨奴族子回授平北將軍瀛州刺史時大業寇亂之後加以水潦百姓困乏回表求賑恤免其兵調州內甚賴之

城陽王長壽傳長壽子鸞鸞子徵除後將軍并州刺史

史先是州界夏霜禾稼不熟民庶逃散安業者少徵輒開倉賑之文武咸共諫止徵曰昔汲長孺郡守耳尚輒開倉救民災敝况我皇家親近受委大藩豈可拘法而不救民困也先給後表肅宗嘉之

裴延偶傳延偶從祖弟良良從父兄子慶孫為邵郡太守在郡之日值歲饑凶四方遊客皆有百餘慶孫自以家糧贖之

楊播傳播弟津津子逸除光州刺史時災儉連歲人多餓死逸欲以倉粟賑給而所司懼罪不敢逸曰國以人為本人以食為命百姓不足君孰與足假令以此獲戾吾所甘心遂出粟然後申表右僕射元羅以下謂公儲難闕並執不許尚書令臨淮王彧以為宜貸二萬詔聽二萬逸既出粟之後其老小殘疾不能自存活者又於州門煮粥飯之將死而得濟者以萬數帝聞而善之

樊子鶴傳子鶴除殷州刺史屬歲旱儉子鶴恐民流亡乃勒有粟之家分貸貧者并遣人牛易力多種二麥州內以此獲安

北齊書李元忠傳元忠天平四年除使持節光州刺史時州境災儉人皆菜色元忠表求振貸俟秋徵收被報聽用萬石元忠以為萬石給人計一家不過升斗而已徒有虛名不救其弊遂出十五萬石以振之事訖表陳朝廷嘉而不責

循吏傳蘇瓊瓊遷南清河太守天保中郡界大木人災絕食者千餘家瓊普集部中有粟家自從貸粟以給付餒者州計戶徵租復欲推其貸粟綱紀謂瓊曰雖矜饑餒恐罪累府君瓊曰一身獲罪且活千室何

之

之

所怨乎遂上表陳狀使檢皆免人戶保安後遷左丞
行徐州事舊制以淮禁不聽商販輒度淮南歲儉啓
聽淮北取糴後淮北人饑復請通糴淮南遂得商估
往還彼此兼濟水陸之利通於河北

陝西通志後周宇文椿建德初除岐州刺史關中民
饑椿表陳其狀璽書勞慰因令所在開倉賑恤

隋書郭衍傳衍開皇五年授瀛州刺史遇秋霖大水
其屬縣多漂沒民皆上高樹依大家行親備船楫并
齋糧拯救之民多獲濟衍先開倉賑卹後始聞奏上
大善之

張須陁傳須陁大業中為齊郡丞屬歲饑穀米踊貴
須陁將開倉賑給官屬咸曰須待詔勅不可擅與須
陁曰今帝在遠遣使往來必淹歲序百姓有倒懸之
急如待報至當委溝壑矣吾若以此獲罪死無所恨
先開倉而後上狀帝知之而不責也

食貨志煬皇帝守鴻基國家殷富雅愛宏翫肆情方
驕初造東都窮諸巨麗帝昔居藩翰親平江左兼以
梁陳曲折以就規摹曾雉踰芒浮橋跨洛金門象闕
咸竦飛觀頽巖塞川構成雲綺移嶺樹以為林藪包
芒山以為苑囿長城御河不計於人力運驢武馬指
期於百姓天下死於役而家傷於財既而一討渾庭
三駕遼澤天子親伐師兵大舉飛糧輓秣水陸交至
疆場之所傾敗勞弊之所殞殞雖復大半不歸而每
年興發比屋良家之子多赴於邊陲分離哭泣之聲
連響於州縣老弱耕稼不足以充餒餒婦工紡績不
足以贍資裝九區之內驚和歲動從行宮掖常十萬
人所有供須皆仰州縣租賦之外一切徵斂起以周

備不顧元元吏因割剝盜其大半遐方珍膳必登庖
廚翔禽毛羽用為玩飾買以供官千倍其價人愁不
堪離棄室宇長吏扣扉而達曙猛犬迎吠而終夕自
燕趙跨於齊韓江淮入於襄鄧東周洛邑之地西秦
隴山之右僭偽交侵盜賊充斥宮觀鞠為茂草鄉亭
絕其烟火人相啖食十而四五關中癘疫旱旱傷稼
代王開末豐之粟以賑饑人去倉數百里老幼雲集
吏在食殘官無攸次咸資強貨動移旬月頓臥墟野
欲返不能死人如積不可勝計雖復皇王撫運天祿
有終而隋氏之亡亦由於此

煬帝幸太原為突厥圍於馬門突厥尋散還洛陽
是時百姓廢業屯集城堡無以自給然所在倉庫猶
大充物吏皆懼法莫肯振救由是益困初皆剝樹皮
以食之漸及於葉皮葉皆盡乃煮土或搗葉為末而
食之其後人乃相食十二年帝幸江都是時李密據
洛口倉聚粟百萬越王侗與段達等守東都東都城
內糧盡布帛山積乃以絹為汲纜然布以篡代王侑
與衛元宗京師百姓饑饉亦不能救義師入長安發
永豐倉以振之百姓方蘇息矣

王仁恭傳仁恭領馬邑太守於時天下大亂百姓饑
餓道路隔絕仁恭頗改舊節受納貨賄又不取輒開
倉廩賑卹百姓其麾下校尉劉武周與仁恭侍婢姦
通恐事泄將為亂每宣言郡中曰父老妻子凍餒填
委溝壑而王府君閉倉不救百姓是何理也以此激
怒眾吏民頗怨之其後仁恭正坐廳事武周率其徒
數十人大呼而入因害之時年六十武周於是開倉
賑給郡內皆從之

唐書李勣傳勣曹州離狐人隋大業末李密亡命雍
丘勣說密以奇計破王世充密署勣東海郡公是時
河南山東大水隋帝令饑人就食黎陽倉吏不時發
死者日數萬

張儉傳儉高祖從外孫也以功除右衛郎將遷朔州
刺史大教民營田歲收穀數十萬斛雖霜旱勣百姓
相賑贍免饑殍以完安

循吏傳陳君賓為邢州刺史貞觀初徙鄧州州承喪
亂後百姓流允君賓加意勞徠不期月皆還自業明
年四方霜潦獨君賓所治有年儲倉充羨蒲廬二州
民就食其境太宗下詔勞之曰去年關內六州穀不
登糶糧少令析民房逐食開刺史與百姓識朕此懷
務相安善還有贏糧出布帛贈遺行者此知水旱常
數更相拯贍禮讓興行海內之人皆為兄弟愛薄
之風朕顧何憂已命有司錄刺史以下功最百姓養
戶免今年調物是歲入為太府少卿

白孔六帖帝幸東都詔孝敬皇帝監國時關中饑孝
敬皇帝視廡下兵食有榆皮蓬食者帝悄然命家令
寺給米

唐書賈半千傳半千為武陟尉歲旱勣令殷子良發
粟賑民不從及子良謁州半千悉發之下賴以濟刺
史大怒囚半千於獄會薛元超持節度河讓太守曰
君有民不能恤使惠出一尉尚可罪邪釋之

太宗諸子傳曹王明子阜貶溫州長史俄攝州事州
大饑發官廩數十萬石賑餓者僚吏叩庭請先以聞
阜曰人日不再食且死何俟命後發哉苟殺我而活
眾其利大矣既貸乃自劾優詔開許

王方翼傳方翼再遷肅州刺史儀鳳間河西蝗獨不至方翼境而它郡民或餓死皆重繭走方翼治下乃出私錢作水碓簿其贏以濟饑瘵構舍數十百楹居之全活甚衆芝產其地

文藝傳劉憲父思立在高宗時爲名御史於時河南北大旱詔遣御史中丞崔諡等分道賑贍思立建言蠶務未畢而遣使撫巡所至不能無勞錢又賑給須立簿最稽出入往返滯妨廢且廣若無驛處馬須豫集以一馬勞數家今農事待雨輿作輟日役破歲計本欲安存更煩擾之望且貴州縣給貸須秋遣使便詔聽罷謚等行

循吏傳韋景駿神龍中歷肥鄉令河北饑身巡閭里勸人通有無教導撫循縣民獨免流散及去人立石著其功

韓思復傳思復爲梁府倉曹參軍會大旱輒開倉賑民州劾責對曰人窮則濫不如因而活之無趣爲盜賊州不能誦

宋璟傳璟檢校貝州刺史時河北水歲大饑武三思使斂封植璟拒不與故爲所擠

薛仁貴傳仁貴子訥起家城門郎遷藍田令富人倪氏訟息錢於肅政臺中丞來俊臣受賕發義倉粟數千斛償之訥曰義倉本備水旱安可絕衆人之仰私一家報上不與

韋維傳維擢武功主簿督役乾陵會歲饑均力勸功人不知勞

張廷珪傳廷珪爲沔州刺史頻徙蘇宋魏三州初景龍中宗楚客紀處訥武延秀韋溫等封戶多在河南

河北諷朝廷詔兩道蠶產所宜雖水旱得以蠶折租廷珪謂兩道倚大河地雄奧股肱走集宜得其歡心安可不恤其患而殫其力若以桑蠶所宜而加別稅則龍右羊馬山南椒漆山之銅錫鉛錯海之蜃蛤魚鹽水旱皆免寧獨河南北外於王度哉願依貞觀永徵故事準令折免詔可

王丘傳丘爲黃門侍郎會山東旱饑議以中朝臣爲刺史制詔臯陶稱在知人在安民皆念存邦本乾乾夕惕無忘一日今長吏或未稱蒼生謂何深思循良以革頽敝宜重刺史之選自朝廷始乃以丘與中書侍郎崔沔等並爲山東刺史

卓行傳元德秀門弟子李崱擢制科遷南華令大水他縣饑人至相屬崱爲具餐粥及去稷糧送之吏爲立碑

開府元龜李裕天寶中爲襄陽郡守上言所部遭損戶一萬八百三戶請給兩月糧充種子許之

唐書趙憬傳憬字退翁寶應中方營泰建二陵用度廣又吐蕃盜邊天下荐饑憬褐衣上疏請殺禮從儉士林欽美

投秀實傳秀實爲營田官涇大將焦令諶取人田自占給與農約熟歸其半是歲大旱農告無入令諶曰我知入不知早也責之急農無以償往訴秀實秀實

署牒免之因使人遞諭令諶令諶怒召農責曰我畏投秀實邪以牒置背上大杖擊二十輿致廷中秀實泣曰乃我困汝即自裂裳裹瘡注藥賣己馬以代償

淮西將尹少榮頗剛入罵令諶曰汝誠人乎涇州野如豬人餓死而爾必得殺擊無罪者投公仁信大

人惟一馬賣而市穀人汝汝取之不恥凡爲人做天災犯大人擊無罪者尚不愧奴隸邪令諶聞大愧流汗曰吾終不可以見段公一夕自恨死

張嘉貞傳嘉貞子延實爲淮南節度使歲旱民他遷吏禁之延實曰食者人恃以活拘此而斃不如適彼而生苟存吾人何限爲乃具舟遣之勅吏爲修室廬已連債而歸者更增於舊

蕭瑀傳瑀從子鈞鈞子瓊瓊子嵩嵩子衡衡子復復爲同州刺史歲歉州有京畿觀察使儲粟復輒發以貸人有司劾治詔削階停刺史或弔之復曰苟利於人胡責之辭

文藝傳孫遜子成爲信州刺史歲大旱發倉以賤直售民故饑而不亡

裴濯傳濯從祖弟寬寬子謂拜河東租庸鹽鐵使時開輔早請入計帝召至便殿問權酷利歲出內幾何謂久不對帝復問曰臣有所思帝曰何邪謂曰臣自河東來涉三百里而農人愁歎穀未種誠謂陛下

軫念元元先訪疾苦而乃責臣以利孟子曰治國者仁義而已何以利爲故未敢即對帝曰微公言朕不聞此拜左司郎中

韋倫傳倫爲太子少師鄂國公致仕時請爲義倉以捍無年

韓休傳休子洵擢戶部侍郎判度支積米長安萬年二縣各數十萬石視年豐耗而發斂故人不艱食

劉晏傳晏爲轉運鹽鐵使楊炎執政衝宿怨妄言晏罪賜死晏既被誣而舊史推明其功陳諫以爲管蕭之亞著論紀其詳大略以開元天寶間天下戶千萬

至德後殘於大兵饑疫相仍十耗其九至晏充使戶
不二百萬晏通計天下經費謹察州縣災害獨除振
救不使流離死亡起廣德二年盡建中元年黜陟使
實天下戶收三百餘萬王者愛人不在賜與當使之
耕耘織紵常歲平斂之荒年獨救之大率歲增十之
一而晏尤能時其緩急而先後之每州縣荒歉有端
則計官所贏先令曰獨某物貨某戶民未及困而奏
報已行矣議者或譏晏不直賑救而多賤出以濟民
者則又不然善治病者不使至危德善救災者勿使
至賑給故賑給少則不足活人活人多則闕國用國
用闕則復重斂矣又賑給近僥倖吏下為姦強得之
多弱得之少雖刀鋸在前不可禁以為二害災沴之
鄉所乏糧耳他產尚在賤以出之易其雜貨因人之
力轉於豐處或官自用則國計不多多出菽粟恣之
糶運散入村閭下戶力農不能詣市轉相沾逮自免
阻餒不待令驅以為二勝晏又以常平法豐則貴取
饑則賤與率諸州米嘗儲三百萬斛豈所謂有功於
國者耶

李實傳實拜京兆尹貞元二十年早開輔饑實方務
聚斂以結恩民訴府上一不問德宗訪外疾苦實詭
曰歲雖早不害有秋乃峻責租調人窮無告至撤舍
鬻苗輸於官優人成輔端為俳語諷帝實怒奏賤工
誘國帝為殺之或言古者督誦箴諫雖諛託論何
誅焉帝悔然不罪實

王播傳播為工部郎中知御史雜事關中饑諸鎮或
閉糶播以為言三輔不乏

崔衍傳衍為清源令歷蘇號二州秦州部多嚴田又

郵傳劇道屬歲無秋民舉流亡不獨減租額人無生
理臣見長吏之患在因循不以聞不思陛下不憂恤
也思申請不實不忠朝廷不矜貸也陛下拔臣大州
寧欲視民困而顧望不言哉德宗公其言為詔度支
減賦

楊於陵傳於陵為浙東觀察使越人餓請出米三十
萬石贍貧民
冊府元龜穆贊代崔衍為宣歙池觀察使宣州歲饑
贊遂以錢四十二萬貫代百姓之稅故宣州人不流
散
唐書白居易傳居易元和元年召入翰林為學士遷
左拾遺四年天子以旱甚下詔有所獨貸振除災沴
居易見詔節未詳即建言乞盡免江淮兩賦以救流
瘠
李絳傳絳司勳郎中進中書舍人江淮大旱帝下
敕令有所獨弛絳言江淮流亡所貸未廣而宮人穢
積有怨高之思當大出之以省經費帝順納
李栖筠傳栖筠子吉甫為淮南節度使江淮旱浙東
西尤甚有司不為請吉甫白以時救恤帝驚馳道使
分遣賑貸
盧坦傳坦拜宣歙池觀察使時江淮旱穀踊貴或請
抑其價坦曰所部地狹穀來他州若直賤穀不至矣
不如任之既而商以米盆至乃多貸兵食出諸市估
遂平
舊唐書憲宗紀元和七年夏上謂宰臣曰卿等累言
吳越去年水旱昨有御史自江淮回言不至為災人
非甚困李絳對曰臣得兩浙淮南狀總言歉旱方隅

授任皆朝廷信重之臣御史非良或容希媚此正當
姦佞之臣况推誠之道君人大本任大臣以事不可
以小臣言間之伏望明示御史姓名正之典刑上曰
卿言是也朝廷大體以恤人為本一方不稔即宜賑
救濟其饑寒况可疑之也向者不思而有此問朕言
過矣絳等拜賀

唐書文藝傳吳武陵元和初擢進士第長慶初置和
羅貽備使擇郎中為之武陵諫曰今緣邊膏壤鞠為
榛杞父母妻子不相活前在朔方度支米價四十而
無踰月積皆先取商人而後求牒還都受錢脫有寇
薄城不三旬便當餓死何所取材而云和羅哉
李渤傳渤為江州刺史度支使張平叔斂天下連租
渤上言度支所收貞元二年流戶賦錢四百四十萬
臣州治田二千頃今旱死者千九百頃若徇度支所
斂臣懼天下謂陛下當大旱責民三十年連賦臣刺
史上不能奉詔下不忍民窮無所逃死請放歸田里
有詔蠲責
荒政考略白居易出刺杭州開西河以通漕民無旱
潦之患

唐書崔祐甫傳祐甫從子俊以蘇州刺史奏課第一
遷湖南觀察使湖南舊法雖豐年貿易不出境鄰部
災荒不恤也俊至謂屬吏曰此豈人情乎無閉糶以
重困民削其禁自是商賈流通貨物益饒
王播傳播弟起歷河中節度使方蝗旱粟價騰踊起
下今家得儲三十斛斥其餘以市否者死絳是積
成出民賴以生
循吏傳盧弘宣累遷給事中開成中山南江西大水

舊唐書憲宗紀元和七年夏上謂宰臣曰卿等累言
吳越去年水旱昨有御史自江淮回言不至為災人
非甚困李絳對曰臣得兩浙淮南狀總言歉旱方隅

舊唐書憲宗紀元和七年夏上謂宰臣曰卿等累言
吳越去年水旱昨有御史自江淮回言不至為災人
非甚困李絳對曰臣得兩浙淮南狀總言歉旱方隅

舊唐書憲宗紀元和七年夏上謂宰臣曰卿等累言
吳越去年水旱昨有御史自江淮回言不至為災人
非甚困李絳對曰臣得兩浙淮南狀總言歉旱方隅

詔弘宣與吏部郎中崔瑋分道賑卹使有指還遷京兆尹刑部侍郎拜劍南東川節度使時威儀益結僉豪自王僞署官吏發赦屠格亡命弘宣下檄脅論賊黨稍降其監強者署軍中屏無能還之農魁長逃入峽中吏捕誅之從義武節度使初詔賜其軍粟三十萬斛貯飛孤弘宣計輓費不能滿直勅吏守之明年春大旱教民隨力往取時幽魏饑甚獨易定自如至秋悉收所貸軍食以饒

薛仁貴傳仁貴子訥訥子嵩嵩子平平子從累遷汾州刺史徙濮州儲粟二萬斛以備凶災於是山東大水詔右司郎中趙棟為賑卹使棟表其才擢將作監終左領軍衛上將軍

狄仁傑傳仁傑族孫兼讓歷刑部郎中斬鄧鄒三州刺史歲旱饑發粟賑濟民人不流徙

循吏傳韋丹子宙為永州刺史州方災歉乃斥官下什用所以供刺史者得九十餘萬錢為市糧餉俗不知法多觸罪宙為書制律并種植為生之宜戶給之州負嶺轉餉艱險每饑人輒斫死宙始築常平倉收穀羨餘以待之

群書備考唐天復甲子歲自隴西元陽民多流散山中竹皆放花結子饑民采之舂米而食珍於糲糲其子粒顏色紅纖與今紅梗不殊其味尤更馨香數州之民皆挈家入山就食之可謂百萬元元活於貞筠之下

冊府元龜袁象先初仕梁為天平軍兩使留後時鄆境再饑戶民流散象先即開倉賑恤蒙賴者甚衆五代史唐臣傳豆盧革拜同中書門下平章事薦韋

說為相時大水四方地連震流民殍死者數萬人軍士妻子皆採稻以食莊宗日以責三司使孔謙謙不知所為樞密小吏段徊曰臣嘗見前朝故事國有大故則天子以朱書御札問宰相水旱宰相職也莊宗乃命學士草詔手自書之以問革說革說不能對第曰陛下威德著於四海今西兵破蜀所得珍寶億萬可以給軍水旱天之常道不足憂也

十國春秋南唐齊昭孝王景達傳景達烈祖第四子生於吳順義四年是歲大旱烈祖方輔政極於焦勞七月既望雪祀得雨景達以是日生烈祖喜因小名兩師

吳越武肅王世家實正三年夏大旱有蝗蔽日而飛書為之黑庭戶衣帳悉充塞王親祀於都會堂是夕大風蝗墮浙江而死

文穆王世家王名元瓘初名傳瓘武肅王第七子唐長興三年夏改名嗣立除民田荒絕者租稅

五代史雜傳安彥威為西京留守遭歲大饑彥威賑撫饑民民有犯法皆寬貸之饑民愛之不忍流去

冊府元龜趙瑩為晉昌軍節度使時天下大蝗境內捕蝗者獲蝗一斗給祿粟一斗使饑者獲濟遠近嘉之

十國春秋南唐烈祖紀昇元五年秋遣使振貸黃州早傷戶口是歲吳越水民就食境內遣使振卹安集之

五代史雜傳楊彥詢拜安國軍節度使徙鎮鎮國遭歲大饑為政有惠愛冊府元龜管楊彥詢為華州節度使在任二年屬部

內蝗旱道殣相望彥詢以官粟假貸州民賴之存濟者甚衆

十國春秋南唐元宗紀保大四年秋淮南蟲食稼除民田稅

邊鎬傳保大七年楚馬氏兄弟相攻鎬為信州刺史領屯營兵兼湖南安撫使自洋鄉帥師入潭州遷馬氏之族及文武將吏於金陵時湖南饑僅鎬大發廩賑之楚人大悅

吳越忠懿王世家廣順三年境內大旱邊民有鬻男女者出粟鬻贖之歸其父母仍令所在開倉賑卹

冊府元龜周張昭瑀為博州刺史上言民饑欲賑貸詔從之

十國春秋南唐元宗紀保大十二年春大饑疫命州縣糶糜食餓者

遼史韓延徽傳延徽子德樞守左羽林大將軍遷特進太尉時漢人降與轉徙者多寓東平丁歲首饑僅疾癘德樞請往撫字之授遼興軍節度使下車整紛剔蠹恩煦信乎勸農桑典教化期月民獲蘇息

楊佶傳佶累遷翰林學士燕地饑疫民多流殍以佶同知南京留守事發倉廩賑之絕貧民鬻子者計備而出之

劉伸傳伸以崇義軍節度使致仕適燕薊民饑伸與致仕趙徽韓造日濟以糜粥所活不勝算

宋史賈黃中傳黃中知宣州歲饑民多為盜黃中出己奉造糜粥顧全活者以千數仍設法弭盜因悉解去

史珪傳珪為光州刺史會歲饑淮蔡民流入州境珪

不待聞即開倉減價以糶所全活甚衆吏民詣闕請
植碑頌德者數百人

李允則傳允則知潭州湖南饑欲發官廩先賑而後
奏轉運使執不可允則曰須報踰月則饑者無及矣

明年春饑復欲先賑轉運使又執不可允則請以家
貲爲質乃得發廩賤糶因募饑民堪役者詠軍籍得

萬人轉運使請發所募兵禦邵州蠻允則曰今蠻不
擾無名益成是長邊患也且兵皆新募饑瘠未任出

成乃奏罷之
江南通志王禹偁知長洲縣自敘云去年冬稼不登

編戶艱食賦斂之入有乘其期而民部督成於郡郡
侯歸罪於縣鞭笞之人日不下百數輩菜色在面而

血流於膚讀書爲儒胡寧忍此因出吏部考課曆納
質於巨商得錢一萬七千市白絮代輸之明春民盡

歸其直
宋史鄭文寶傳文寶授陝西轉運副使許便宜從事

會歲歉誘聚民出粟三萬斛活饑民八萬六千口
任中正傳中正爲祕書丞江南轉運副使至部歲大

稔民出租賦平糶皆盈羨發運使王子與欲悉調餉
京師中正曰東南歲輸五百餘萬而江南所出過半

今歲有餘或歲少歉則數不登思及吾民矣乃止權
監察御史兩浙轉運使民饑中正不俟詔發官廩振

之
李防傳防通判潞州遷祕書丞體量二浙民饑建言

逃戶田宜卽名入耕種使人不敢輕去圃畝而官賦
常在又請京師置折中倉聽人入粟以江浙荆湖物

張詠傳詠知杭州歲歉民多私鬻鹽以自給捕獲犯
者數百人詠悉寬其罰而遣之官屬請曰不痛繩之

恐無以禁詠曰錢唐十萬家饑者八九苟不以鹽自
活一旦蜂聚爲盜則爲患深以俟秋成當仍舊法

李行簡傳行簡爲侍御史陝西旱蝗命往安撫發倉
粟救乏絕又獨耀州積年逋租

循吏傳崔立知兗州歲大饑募富人出穀十萬餘石
振饑者所全活者甚衆

魯有開知衛州水災人之食擅貸常平錢粟與之且
奏乞蠲其息

陳堯佐傳堯佐知壽州歲大饑出奉米爲糜粥食饑
者吏人悉獻米至振數萬人

李宥傳宥知斬州歲凶人散委嬰孩而去者相屬於
道宥令吏收取計口給穀俾營婦均養之每旬閱視

所活甚衆
陳思讓傳思讓孫若拙知末典軍府時鄰郡歲饑前

政拒其市糶若拙至則許貿易民賴以濟又移知鳳
翔府入拜給事中知澶州蝗旱之餘勤於政治郡民

列狀乞留
查道傳道知號州秋蝗災民數道不候報出官廩米

賑之又設粥糜以救饑者給州麥四千斛爲種於民
民賴以濟所全活萬餘人

李昉傳昉孫昭述爲真定府路安撫使知成德軍大
水民多流亡籍僧舍積粟爲粥糜活饑民數萬計

馬亮傳亮知潭州徙昇州行次江州屬歲旱民饑湖
湘漕米數十舟適至亮移文守將發以振貧民因奏
瀕江諸郡皆大歉而吏不之救願罷官糶令民轉粟

以相調
江南通志許元知丹陽縣縣有練湖法盜決湖者罪

死會歲大旱元請借湖水溉民田不待報決之州遣
吏按問元曰便民罪令可也竟不能詰由是溉民田

萬餘頃歲乃大豐
宋史程琳傳琳知制誥判吏部流內銓權三司使范

雍使契丹命琳發遣三司使大倉贍軍粟陳腐不可
食歲且饑琳盡發以貸民凡六十萬斛饑民賴以全

活而軍得善粟
姚仲孫傳仲孫通判睦州徙潞州歲早饑有詔發官

粟以賑民而主吏不時給仲孫既至州立勅主吏夜
索丁籍盡給之

張傳傳傳知楚州會歲饑貽書發運使求貸糧不報
因歎曰民轉死溝壑矣報可待邪乃發上供倉粟販

貸所活以萬計因拜章待罪詔獎之
楊億傳億從子紘提點江東刑獄除轉運按察使江

東饑紘開義倉賑之吏持不可紘曰義倉爲民也稍
稽人將殍矣

趙安仁傳安仁子良規爲祕書監知同陝相三州陝
歲饑百姓請開殘稅二分爲官伐芟以給河壩或以

爲須報乃可行良規曰若爾無及矣檄縣遂行而以
擅命自劾

王隨傳隨知江寧府歲大饑轉運使移府發常平倉
米計口日給一升隨置不聽曰民所以饑者由兼井

閉糶以邀高價也乃大出官粟平其價
儒林公議明道中江淮薦饑乃命王隨爲安撫使隨
素無才術不能拯傷救故以活流殍但令人負糶以